

程



唐段少卿酉陽雜俎卷之十六

廣動植之一 并序

成式以天地間所化所產突而旋成形者樊然矣  
故山海經爾雅所不能究因拾前儒所著有草木  
禽魚未列經史或經史已載事未悉者或接諸耳  
目簡編所無者作廣動植異培土培丘陵之學也  
昔曹丕著論於火布滕循獻疑於鰕鬚蔡謀不識  
彭蜺劉緇誤呼荔挺至今可笑學者豈容略乎  
總叙 羽嘉生飛龍飛龍生鳳凰生鸞鸞生庶鳥  
應龍生建鳥建鳥生麒麟麒麟生庶獸 分麟生



蛟龍蛟龍生鯤鯁鯁生建邪建邪生庶魚分  
潭生先龍先龍生玄鮠玄鮠生靈龜靈龜生庶龜  
日馮生玄陽關玄陽關生鱗胎鱗胎生幹木幹木  
生庶木招搖生程君若一日程君生玄玉玄玉生  
醴泉醴泉生應黃應黃生黃華黃華生庶草海  
間生屈龍屈一尾龍生容華容華生葉葉生藻藻  
生浮草甲蟲影伏羽蟲體伏食草者多力而  
愚食肉者勇敢而悍齧吞者八竅而卵生咀嚼  
者九竅而胎生無角者膏而先前有角者胎而  
先後食葉者有絲食土者不息食而不飲者蠶

飲而不食者蟬不飲不食者蜉蝣蜉一日屬谷行  
虵屬行蜻蚴屬往鳴蜩屬旁鳴發皇翼鳴蚣蟻  
股鳴榮原胃鳴蜩三十日而死鱣魚三月上  
官於孟津鴈鵠向日飛鱖與鱉魚車螯與移  
角並相似鳳雄鳴節節雌鳴足足行鳴曰婦嬉  
止鳴曰提袂麒麟牡鳴曰逝遊日聖牡鳴曰婦  
和春鳴曰扶助夏鳴曰養綏鼈無耳為守神  
虎五指為羆魚滿三百六十年則為蛟龍引飛  
去水魚二千斤為蛟武陽小魚一斤千頭  
東海大魚瞳子大如三斗盎桃支竹以四寸為



一節木瓜一尺一百二十一節 木蘭去皮不死

荆木心方 蛇有水草木土四種 孔雀尾端一

寸名珠毛 鶴左右脚裏第一節名兵瓜 蜀郡

無兔鴿 江南未一日無狼馬 朱提以南無鳩鵲

鳥有四千五百種獸有二千四百種 鴉楚鳩

所生 騾不滋乳 蔡郎中以及舌為蝦蟇淮南

子以蛭為蟻蠓詩義以蟲為螻蛄高誘以乾鵲為

蟋蟀 兔吐子鷓鴣吐雛 瓜瓠子曰犀胡桃人

曰蝦蟆 蝦蟆無腸 龜腸 龜 日屬於頭 科斗

尾脫則足生 鳥獸未孕者為禽鳥養子曰乳

蛇蟠向王鵲巢背太歲驚伏戊己虎奮衝破乾鵲

知來猩猩知往 鶴影抱蝦蟆聲抱 蟬化齊后

鳥生杜宇 椰子為越王頭壺樓為杜預項 鷓

鳩鳴日向南不北逃問鳴懸壺盧繫項頭 日 豆

以二七為族粟累十二為寸 有實曰果又又在木

人參處處生蘭長生為瑞 日果 小麥忌戌火麥忌子 齊葶藶稗莫為三

葉孟夏煞之 烏頭殼外有毛石劫應節生花

木再花夏有雷李再花秋大霜 木無故叢

枝盡向下又生及一尺至一丈自死皆凶 邑中



終歲無鳥有冠郡中忽無鳥者日鳥亡

雞無

自飛去家有蠱雞日中不下樹妻妾姦謀

見蛇

交三年死蛇冬見寢室急兵人夜卧無故失髻

者鼠妖也屋柱木無故生芝者白為喪赤為血

黑為賊黃為喜其形如人面者亡財如牛馬者遠

役如龜蛇者因蚕耗德及幽隱則比目魚至

生妾媵有制則白鷺來巢山上有葱下有銀

山上有薤下有金山上有薑下有銅錫山有寶玉

木旁枝皆下垂葛雉川嘗就上林令魚泉得朝

臣所上草木名二十餘種隣人石瓊就之求借一

皆遺弃語曰買魚得鱖不如食茹

累世宅不

去鯁魚額洛鯉伊魴貴於牛羊

合瀾螭雖不

足豪亦足以高

檣檣扶留可以忘憂

白馬甜

榴一實直牛

草木暉暉蒼黃亂飛

羽篇

鳳骨黑雄雌夕旦鳴各異黃帝使伶倫制十二籥

寫之其雄聲其雌音樂有鳳凰臺此鳳脚下物如

白石者鳳有時來儀候其所止處掘深三尺有圓

石如卵正白服之安心神

孔雀釋氏書言孔雀因雷聲而孕



鵲江淮謂羣觀旋飛為鵲井鵲亦好旋飛必有風  
雨人探巢取觀子六十里旱能群飛薄霄激雨雨  
為之散 烏鳴地上無好聲人臨行烏鳴而前引  
多喜此舊占所不載 貞元四年鄭汴二州羣鳥  
飛入田緒李納境內街木為城高至二三尺方一  
餘里納緒惡而命焚之信宿如舊烏口皆流血  
俗候烏飛翅重天將雨

鵲巢中必有梁崔圓相公妻在家時與姊妹戲於  
後園見二鵲構巢共銜一木如筆管長尺餘安巢  
中衆悉不見俗言見鵲上梁必貴 大曆八年乾

陵上仙觀天尊殿有雙鵲銜柴及泥補葺隙壞一  
十五處宰臣上表賀

貞元三年中書省梧桐樹上有鵲以泥為巢焚其  
巢可禳狐魅

鷺凡狐白貉鼠之類鷺見之則毛脫或言鷺蟄於  
水月 曰底舊說鷺不入室是井之虛也取桐為男  
女各一投井中鷺必來肯班黑聲大名胡鷺其巢  
有容疋素者

雀釋氏書言雀沙生因浴沙塵受卵蜀弔鳥山至  
雉雀來弔最悲百姓夜然火伺取之無噍不食似



持持一日悲者以為義則不然

鴿大理丞鄭復禮言波斯船上多養鴿鴿能飛行

數千里輒放一隻至家以為平安信

鸚鵡能飛眾鳥趾前三後一唯鸚鵡四趾齊分凡

鳥下臉脰上獨此鳥兩臉俱動如人目玄宗時

有五色鸚鵡能言上令左右試牽帝衣鳥輒瞋目

比咤政府文學能延京獻鸚鵡篇以贊其事張燕

公有表賀稱為時樂鳥

杜鵑始陽相催而鳴先鳴者吐血死嘗有人山行

見一羣寂然聊學其聲即死初鳴先聽其聲者主

離別廁上聽其聲不祥厭之法當為大聲應之

雉鳴舊言可使取火効人言勝鸚鵡取其目睛和

人乳研滴眼中能見煙霄外物也

鵝濟南郡張公城西北有鵝浦南燕世有漁人居

水側常聽鵝之聲眾中有鈴聲甚清亮候之見一

鵝咽頸極長羅得之項上有銅鈴綴以銀鑲隱起

元鼎元年字

晉時營道縣令何潛之於縣界得鳥大如白鷺膝

上髀下自然有銅鑲貫之

鳩鵲舊言辟火災巢於高樹生子穴中銜其母翅



飛下養之

鴉相傳鴉生三子一為鴉肅宗張皇后專權每進酒常寘鴉腦酒鴉腦酒令人久醉健忘

異鳥天寶二年平盧有紫蟲食禾苗時東北有赤頭鳥羣飛食之 開元二十三年榆關有蜉蝣蟲

延入平州界亦有群雀食之又開元中具州蝗蟲食禾有大白鳥數千小白鳥數萬盡食其蟲

大曆八年大鳥劫功群鳥隨槩之行營將張日芬射獲之肉翅狐首四足足有瓜廣四尺三狀類蝙蝠

又邠州有白頭鳥乳鴉鴉

王母使者齊郡函山有鳥足青背赤黃素翼絳賴名王母使者昔漢武登此山得玉函長五寸帝下山玉函忽化為白鳥飛去世傳山上有王母藥函常令鳥守之

吐綬鳥魚復縣南山有鳥大如鴿鴿羽色

一日多

黑雜以黃白頭頰似雉有時吐物長數寸丹采彪炳形色類綬因名為吐綬鳥又食必蓄嗉臆前大如斗慮觸其嗉行每遠草木故一名避株鳥

鸛鷓一名墮羿形似鵲人射之則銜矢反射人

鷓鴣喙大而向長一尺赤黃色受二升南人以為



酒杯也

菘節鳥四脚尾似鼠形如雀終南深谷中有之  
老鷄秦中山谷間有鳥如梟色青黃肉翅好食煙見  
人輒驚落隱首草穴中常露身其聲如嬰兒啼名  
老鷄

柴蒿京之近山有柴蒿鳥頭有冠如戴勝大若野  
鷄

兜兜鳥其聲自號正月以後作聲至五月節不知  
所在其形似鴝鵒

蝦蟆護南山下有鳥名蝦蟆護多在田中頭有冠

色蒼足赤形似鷺

夜行遊女一曰天帝女一名鈞星夜飛晝隱如鬼  
神衣毛為飛鳥脫毛為婦人無子喜取人子臂前  
有乳凡人飴小兒不可露處小兒衣亦不可露曬  
毛落衣中當為鳥崇或以血點其衣為誌或言產  
死者所化

鬼車鳥相傳此鳥昔有十首能收人魂一首為犬  
所噬秦中天陰有時有聲聲如力車鳴或言是水  
鷄過也

白澤圖謂之蒼鷄帝鷄書謂之逆鷄夫子子夏所



見寶曆中國子四門助教史迥語成式常見裴瑜  
所注爾雅言鷓鴣是九頭鳥也

細鳥漢武時畢勒國獻細鳥以方尺玉為籠數百  
頭狀如蠅聲如鴻鵠此國以候日因名候日蟲集  
宮人衣輒蒙愛幸

嗽金鳥出昆明國形如雀色黃常翱翔於海上魏  
明帝時其國來獻此鳥給以真珠及龜腦常吐金  
屑如粟鑄之乃為器服宮人爭以鳥所吐金為釵  
珥謂之辟寒金以鳥不畏寒也宮人相嘲弄曰不  
服辟寒金那得帝王心不服辟寒金那得帝王心  
帝王於

背明鳥吳時越嶺之南獻背明鳥形如鶴止不向  
明巢必對北其聲百變

寄嵐鳥出河西赤塢鎮狀似鳥而大飛翔於陣上  
多不利

鷓鴣狀如鷺稍大足短趾似鼠未常見下地常止  
林中偶失勢控地不能自振及舉上凌青霄出涼  
州也

鷓鳥武周縣合火山山上有鷓鳥形類烏嘴赤如  
丹一名赤嘴鳥亦曰阿鷓鳥

訓胡惡鳥也鳴則後竅應之



百勞博勞也相傳伯奇所化取其所踏枝鞭小兒能令速語南人繼母有娠乳兒兒病如瘡唯鵝毛治之

毛篇

師子釋氏書言師子筋為絃鼓之衆絃皆絕

西域有黑師子捧師子 集賢校理張希復言舊

有師子尾拂夏月蠅蚋不敢集其上

舊說蘇合香師子糞也

象舊說象性久識見其子皮必泣一枚重千斤

釋氏書言象七九柱地六牙牙生理必因雷聲

又言龍象六十歲骨方足今荆地象色黑兩牙江猪也

咸亨二年周澄國遣使上表言訶伽國有白象首

垂四牙身運五足象之所在其土必豐以水洗牙

飲之愈疾請發兵迎取 象膽隨四時在四腿春

在前左夏在前右如龜無定體也象端有爪可拾

針肉有十二般惟鼻是其本肉 陶貞白言夏月

合藥宜置象牙於藥旁南人言象妬惡犬聲獵者

畏狼登高樹構熊巢伺之有群象過則為犬聲恚

舉鼻吼叫循守不復去或經五六日困倒其下因



潜煞之耳後有冗薄如鼓皮一刺而斃脊前小橫  
骨灰之酒服令人能浮水出沒食其肉令人體重

古訓言象孕五歲始生

虎交而月暈仙人鄭思遠常騎虎故人許隱齒痛  
求治鄭曰唯得虎鬚及熱挿齒間即愈耶為按數  
莖與之因知虎鬚治齒也 虎殺人能令屍起自  
解衣方食之虎威如乙字長一寸在脇兩旁皮內  
尾端亦有之佩之臨官佳無官人所憎嫉 虎夜  
視一目放光一目看物獵人候而射之光墜入地  
成白石主小兒驚

馬虜中護蘭馬五白馬也亦曰玉面諸真馬十三  
歲馬也以十三歲已下可以留種舊種馬戎馬八  
尺田馬七尺駑馬六尺 爪州飼馬以芻草沙州  
以茨箕涼州以教突渾蜀以稗草以蘿蔔根飼馬  
馬肥安比飼馬以沙蓬根針 大食國馬解人語  
悉怛國怛幹國出好馬 馬四歲兩齒至二十  
歲齒盡平 體名有輸鼠外鳧烏頭龍翅虎口  
豬槽飼馬石灰泥槽汗而繫門三事落駒 迴毛  
在頸白馬黑毛鞍下腋下迴毛古脅白毛左右後  
足白 馬四足黑目下橫毛黃馬白喙旋毛在吻



後汗溝上通尾本目赤睫亂及反睫白馬黑目目  
白却視並不可騎夜眼名附蟬戶肝名懸燈亦曰  
雞舌綠袂方言以地黃甘草噉五十歲生三駒  
牛北人牛瘦者多以蛇灌臍口則為獨肝水牛有  
獨肝者殺人逆賊李希烈食之而死相去法岐  
胡有壽膺匡欲廣毫筋欲橫蹄後筋也常有聲有  
黃也角冷有病旋毛在珠泉無壽睫亂觸人銜烏  
角偏妨全毛少骨多有力弱射前良牛也疎助難  
養三歲二齒四歲四齒五歲六齒六歲以後每一  
年接脊骨一節

甯公所針牛陰虹屬頸陰虹雙筋曰尾屬頸也  
北虜之先索國有泥師都二妻生四子一子化為  
鴻遂委三子謂曰爾可從古旃古旃牛也三子因  
隨牛牛所糞悉成肉酪太原縣北有銀牛山漢  
建武二十一年有人騎白牛蹊人田田父訶詰之  
乃曰吾北海使將看天子登封遂乘牛上山田父  
尋至山上唯見牛跡遺糞皆為銀也明年世祖封  
禪

鹿虞部郎中陸紹弟為盧氏縣尉常觀獵人獵忽  
遇鹿五六頭臨澗見人不驚毛班如畫陸怪獵人



不射問之獵者言此仙鹿也射之不能傷且復不利陸不信強之獵者不得已一發矢鹿帶箭而去及返射者墜崖折左足

南康記云合浦有鹿額上戴科藤一枝四條直上各一文犀之通天者必惡影常飲濁水當其渴時人趨不復移足角之理物似百物或云犀角通者是其病然其理有倒插正插腰鼓插倒者一半已下通正者一半已上通腰鼓者中斷不通故波斯謂牙爲白暗犀爲黑暗成式門下醫人吳士臯常職于南海郡見舶王說本國先於山路多植

木如狙棧云犀前脚直常倚木而息木攔折則不能起犀牛一名奴角有鴉處必有犀也犀三毛一孔劉孝標言犀墮角埋之以假角易之

駝性着木蘭篇明駝千里脚多誤作鳴字駝卧腹不帖地屈足漏明則行千里

天鐵熊高宗時加加日毗葉國獻天鐵熊擣白象

師子狼大如狗蒼色作聲諸竅皆沸腔中筋大如鴨卵有犯盜者薰之當令手攣縮或言狼筋如織絡小囊蟲所作也狼糞烟直上烽火用之或言狼狽是兩物俱前足絕短每行常駕兩狼失狼則



不能動故世言事乖者稱狼狽。臨濟郡西有狼塚，近世曾有人獨行於野，遇狼數十頭，其人窘急，遂登草積，上有兩狼，乃入穴中，負出一老狼，老狼至以口拔數莖草，群狼遂竟拔之，積將崩，遇獵者，救之而免，其人相率掘此塚，得狼百餘頭，殺之，疑老狼即狽也。

貊澤大如犬，其膏宣利，以手所承及於銅鐵瓦器中，貯悉透，以骨盛則不漏。結搯檄外勃樊州熏陸香所出也，如楓脂，結搯好，焚之大者重十斤，狀似獺，其頭身四支，了無毛，唯

從臯上竟脊至尾，有青毛，廣一寸，長三四分，獵得者斫刺不傷，積薪焚之不死，乃大杖擊之，骨碎乃死。

黃耆一名唐已，人見之不祥，俗相傳食虎

香狸，取其水道連囊，以酒澆乾之，其氣如真麝

耶，希有鹿兩頭，食毒草是其胎矢也，夷謂鹿為耶

矢為希，蠅似黃狗，清有常處，若行遠不及其家

處，一云則以草塞其尻

猴，獼蜀西南高山土有物如猴狀，長七尺，名猴獼，一曰馬化，好竊人妻，多時形皆類之，盡姓楊，蜀中



姓楊者往往攫瓜

狒狒飲其血可以見鬼力負千斤笑輒上吻掩額

狀如獼猴作人言如鳥聲能知生死血可染緋髮

可為髮舊說反踵獵者言無膝睡常倚物宋建武

高城郡進雌雄二頭

在于者鬣身人首炙之以藿則鳴曰在于

大尾羊康居出大尾羊尾上旁廣重十斤 又僧

玄奘至西域大雪山高嶺下有一村養羊大如驢

賓國出野青羊尾如翠色土人食之

唐段少卿酉陽雜俎卷之十六

唐段少卿酉陽雜俎卷之十七

廣動植之二

鱗介篇

龍頭上有一物如博山形名尺木龍無尺木不能

昇天

井魚井魚腦有穴每翕水輒於腦穴蹙出如飛泉

散落海中舟人竟以空器貯之海水鹹苦經魚腦

穴出反淡如泉水焉成式見梵僧善善 曰提勝說

異魚東海漁人言近獲魚長五六尺腸胃成胡鹿

刀槩之狀或號秦皇魚



鯉脊中鱗一道每鱗有小黑點大者皆三十六鱗  
國朝律取得鯉魚即宜放仍不得號赤鱓公賣者  
杖決一日六十

黃魚蜀中每熬黃魚天必陰雨

烏賊舊說名河伯度後一日事小吏遇大魚輒放墨

方數尺以混其身江東人或取墨書契以脫人財

物書跡如淡墨逾年字消唯空紙耳海人言昔秦

王東遊弃筭袋於海化為此魚形如筭袋兩帶極

長一說烏賊有釘遇風則蚌前一鬚下釘

鮐魚凡諸魚欲產鮐魚輒舐其腹世謂之衆魚之

生母鰮魚章安縣出出入鰮腹子朝出索食暮還

父母腹腹中容四子頰赤如金甚健網不能制俗

呼為河伯健兒鮫魚鮫子驚則入母腹中

馬頭魚象浦有魚色黑長五丈餘頭如馬伺人入

水食人

印魚長一尺三寸額上四方如印有字諸大魚應

死者先以印封之

石斑魚僧行儒言建州有石斑魚好與蛇交南中

多隔蜂窠犬如壺常群螫人土人取石斑魚就蜂

樹側灸之標於竿上向日令魚影落其窠上須臾



有鳥大如鷲數百互擊其窠窠碎落如葉蜂亦全  
盡 鯢魚如鮫四足長尾能上樹天旱輒含水上  
山以草葉覆身張口鳥來飲水因吸食之聲如小  
兒峽中人食之先縛於樹鞭之身上白汗出如搆  
汗此方可食不爾有毒

鯢雖常負雄而行漁者必得其雙南人列肆賣之  
雄者沙肉舊說過海輒相負於背高尺餘如帆乘  
風遊行今鯢殼上有一物高七八寸如石珊瑚俗  
呼為鯢帆成式荊州嘗得一枚至今閩嶼重鯢子  
醬鯢十二足殼可為冠次於白角南人取其尾為

小如意也

飛魚朗山浪水有魚長一尺能飛飛即凌雲空息  
歸潭底

溫泉中魚南人隨溪有三亭城城下溫泉中生小  
魚 羊頭魚周陵溪溪中有魚其頭似羊俗呼為  
羊頭魚豐肉少骨殊美於餘魚

鱠肉濟南郡東北有鱠坑傳言魏景明中有人穿  
井得魚大如鏡其夜河水溢入此坑坑中居人皆  
為鱠魚焉

瑇瑁蟲不再交者虎鴛與瑇瑁也



螺蚌鸚鵡螺如鸚鵡見之者凶蚌當雷聲則疾  
解八月腹中有芒芒真稻芒也長寸許向東輸與  
海神未輸不可食

善苑國出百足蠚長九尺四螯煎為膠謂之螫膠  
勝鳳喙膠也

平原郡貢糖蟹採於河間界每年生貢斲冰火照  
懸老犬肉蟹覺老犬肉即浮因取之一枚直百金  
以氈密束於驛馬馳至於京

蠚蚌大者長尺餘兩螯至強八月能與虎鬪虎不  
如隨大潮退殼一退一長

奔鯨奔鯨一名瀾非魚非蛟大如船長二三丈色  
如鮎有兩乳在腹下雄雌陰陽類人取其子着岸  
上聲如嬰兒啼頂上有孔通頭氣出嚇嚇作聲必  
大風行者以為候相傳懶婦所化煞一頭得膏三  
四斛取之燒燈照讀書紡績輒暗照歡樂之處則  
明 係臂如龜入海捕之人必先祭又陳所取之  
數則自出因取之若不信則風波覆船

蛤梨候風雨能以殼為翅飛

擁鈕一螯極小以大者鬪小者食

寄居殼似蝸一頭小蟹一頭螺蛤也寄在殼間常



候蝸螺螺開出食螺欲合遽入殼中

牡蠣言牡非謂雄也介蟲中唯牡蠣是鹹水結成

也玉桃似蚌長二寸廣五寸殼中柱炙之如牛

頭眩項數丸形似彭蜺竟取土各作丸丸數滿

三百而潮至一曰沙丸

千人捏形似蟹大如錢殼甚固壯夫極力捏之不

死俗言千人捏不死因名焉

蟲篇

蟬未脫時名復育相傳言蝓蟻所化秀才韋翻曰

在社曲常冬中掘樹根見復育附於朽處恠

之村人言蟬固朽木所化也翻因剖一視之腹中

猶實爛木

蝶白蛺蝶尺蠖蠶所化也秀才顧非熊少時嘗見

鬱栖中壞綠裙幅旋化為蝶工部員外郎張周封

言百合花合之泥其隙經宿化為大胡蝶

蟻秦中多巨黑蟻好鬪俗呼為馬蟻次有色竊赤

者細蟻中有黑者遲鈍力舉等身鐵有竊黃者最

有兼弱之智成式兒戲時嘗以棘刺標蠅實其來

路此蟻觸之而返或去穴一天或數寸纜入穴中

者如索而出疑有聲而相召也其行每六七有大



首者間之整若隊伍至徒蠅時大首者或翼或殿  
如備異蟻狀也 元和中假居在長興里庭有一  
穴蟻形狀大如次竊赤者而色正黑腰節微赤首  
銳足高走最輕迅每生致蠖及小魚虫一日入穴輒  
壞埋穴蓋防其逸也自後徒居數處更不復見此  
山人程宗文文一日云程執恭在易定野中蟻樓  
三尺餘  
蜘蛛道士許象之言以盆覆寒食飯於暗室地上  
入夏悉化為蜘蛛  
吳公綏安縣多吳公大者兔尋能以氣吸兔大者云

能以氣小者吸蜥蜴相去三四尺骨肉自消  
蠨蛸成式書齋多此蟲蓋好窠於書卷也或在筆  
管中祝聲可聽有時開卷視之悉是小蜘蛛大如  
蠅虎旋以泥隔之時方知不獨負桑蟲也  
顛當成式書齋前每雨後多顛當窠所以深知蚓  
穴網絲其中土蓋與地平大如榆筴常仰捍其蓋  
伺蠅蠖過輒翻蓋捕之纔入復閉與地一色並無  
絲隙可尋也其形似蜘蛛如蠹角亂爾雅謂之五  
蛛蟴鬼谷子謂之蛛母秦中兒童戲曰顛當顛當  
牢守門蠨蛸寇汝無處奔 蠅長安秋多蠅成式



蠹書後曰讀百家五卷頗為所擾觸睫隱字歐不能已偶拂殺一焉細視之翼甚似蜩冠甚似蜂性察於腐嗜於酒肉按理首翼其類有蒼者聲雄壯負金者聲清恬其聲在翼也青者能敗物巨者首如火或曰大麻蠅茅根所化也  
壁魚捕闕張周封言嘗見壁上白瓜子化為白魚因知列子言朽瓜為魚之義  
蝓蟻草中有蝓蟻樹  
天牛蟲黑甲蟲也長安夏中此蟲或出於離壁間必雨成式七度驗之皆應

異蟲温會在江州與賓客看打魚漁子一人忽上岸狂走温問之但反手指背不能語漁者色黑細視之有物如黃葉大尺餘眼遍其上齧不可取温令燒之方落每對一眼底有紫如釘漁子出血數升而死莫有識者

冷蛇申王有肉疾腹垂至胛每出則以白練束之至暑月常斫息不可過玄宗詔南方取冷蛇二條賜之地長數尺色白不螫人執之冷如握氷申王腹有數約夏月寘於約中不復覺煩暑  
異蜂有蜂如蠟蜂稍大飛勁疾好圓裁樹葉卷入



木竅及壁罅中作窠成式嘗發壁尋之每葉卷中實以不燥或云將化為蜜也

白蜂窠成式脩行里私第菓園數畝壬戌年有蜂如麻子蜂膠土為窠於庭前簷大如雞卵色正白可愛家弟惡而壞之其冬果釁鍾手足南史言宋明帝惡言白問金樓子言子婚日疾風雪下障幕變白以為不祥抑知俗忌白久矣

毒蜂嶺南者毒茵夜明經雨而腐化為巨峰黑色喙若鋸長三分餘夜入人耳聾耳斷人繫竹蜜蜂蜀中有竹蜜蜂好於野竹上結窠窠大如

雞子有帶長尺許窠與蜜並紺色可愛甘倍於常

蜜 水蛆南中水碓澗中多此虫蛆長寸餘色黑夏深變為虫螫人甚毒

水蟲象浦其川渚有水蟲攢水食船數十日船壞蟲甚微細

抱搶水蟲也形如蝓蟻稍大腹下有刺似搶如棘針螫人有毒

負子水蟲也有子多負之

避役南中名避役一曰十二辰虫狀似蛇醫脚長色青赤肉鬣者月時見於籬壁間俗云見者多稱



意事其首倏忽更變為十二辰狀成式再從兄郭嘗觀之

食膠蟲夏月食松膠前脚傳之後脚聶之內之尻中墩蝟形如蟬其子如蝦着草葉得其子則毋飛來就之前食辛而美

竈為狀如促織稍大脚長好穴於竈側俗言竈有馬足食之兆

謝豹號州有蟲名謝豹嘗在深土中司馬裴沈子常獲坑獲之小類蝦墓而圓如毬見人以前兩脚交覆首如羞虫狀能穴地如鼯鼠穴刻深數尺或出

地聽謝豹鳥聲則腦裂而死俗因名之

碎車蟲狀如唧聊蒼色好栖高樹上其聲如人吟

嘯終南有之一本云滄州俗呼為搔前太原有

大而黑者聲唧聊碎車別俗呼為沒鹽蟲也

度古似書帶色類蚓長二尺餘首如鍤背上有黑

黃欄稍觸則斷嘗赴蚓蚓不復動乃上蚓掩之良

久蚓化惟腹泥如縱有毒雞喫輒死俗呼土蠱

雷蟻大如蚓以物觸之乃蹙縮圓轉若鞠良久引

首鞠形漸小後如蚓焉或云齧人毒甚

矛虵頭鼈身入水緣樹木生嶺南南人謂之矛膏



至利銅瓦器貯浸出惟雞卵殼盛之不漏主毒腫  
藍地首有大毒尾能解毒出梧州陳家洞南人以  
首合毒藥謂之藍藥藥人立死取尾為腊反解毒  
藥

蚰蛇長十丈山吞鹿 消盡乃繞樹出骨養創時  
肪腴甚美或婦人衣投之則蟠而不起其瞻上  
旬近頭中旬左 心中旬近尾

蝎鼠負蟲巨甚 多化為蝎蝎子多於背成穴  
見一蝎負十餘子子其色猶白縷如稻粒  
見張希復言陳州古倉有蝎形如錢螫人立死

南舊無蝎開元初嘗有一主簿竹筒盛過江至今  
江南往往而有俗呼為主簿蟲蝎常為蝎所食以  
跡規之蝎不復去舊說過滿百為蝎所螫蝎前謂  
之螫後謂之蠱

虱舊說虱蟲飲赤龍所浴水則愈虱惡水銀人有  
病虱者雖香衣沐浴不得已道士崔白言荊州秀  
才張告嘗捫得兩頭虱有草生山足濕處葉如百  
合對葉獨莖莖微赤高一二尺名虱建草能去蟻  
虱有水竹葉如竹生水中短小亦治虱  
蝗荊州有帛師號法通本安西人少於東天竺出



家言蝗蟲腹下有梵字或自天下來者乃切利天  
梵天來者西域驗其字作木天壇法禳之今蝗蟲  
首有王字固目不可曉或言魚子變近之矣舊言  
蟲食穀者部吏所致侵魚百姓則蟲食穀蟲身黑  
頭赤武吏也頭黑身赤儒吏也  
野狐鼻涕蝶蛸也俗呼為野狐鼻涕

唐段少卿酉陽雜俎卷之十七



